

BOSNA I HERCEGOVINA

БОСНА И ХЕРЦЕГОВИНА



Tužilaštvo/Tužiteljstvo Bosne i Hercegovine
Тужилаштво Босне и Херцеговине

Broj: T20 0 KT 0022416 22

Sarajevo, 26.09.2022.godine

██████████

SUD BOSNE I HERCEGOVINE
SARAJEVO
Sudiji za prethodno saslušanje

Na osnovu člana 35. stav 1. i 2. tačka i) i g) i člana 226. i 227. Zakona o krivičnom postupku Bosne i Hercegovine, podižem:

OPTUŽNICU

PROTIV: ZMIJANJAC DRAGOJA, zv.“Zmicko“, ██████████ rođenog
1951. godine u ██████████ općini Prijedor, ██████████ državljanina BiH, ██████████

ŠTO JE:

1. Dana 19.06.2022.godine, u 19,30 sati, u Istočnoj Ilidži, ██████████, kao osuđeno lice na izdržavanju kazne zatvora u Zavodu za izvršenje krivičnih/kaznenih sankcija, pritvora i drugih mjera u BiH, a nakon korištenja vanzavodskih pogodnosti, vratio se u Zavod, kojom prilikom je ovlašteni zavodski službenik, ██████████, prilikom obavljanja službene radnje detaljnog pretresa primijetio da je isti u vidno alkoholiziranom stanju o čemu je obavijestio komandira smjene, samostalnog inspektora ██████████, te nakon što je ██████████ izvršio alkotestiranje osuđenog lica i istom saopštio da će

zbog počinjenog prekršaja protiv njega biti podnesena disciplinska prijava, uputio prijetnju zavodskom službeniku [REDACTED], riječima: „Ja sam ovdje zbog ubistva, kad izađem iz zatvora izvršit ću dva ubistva. Ovo je neki kapric, bit će ubistvo sigurno“, da bi prilikom dolaska na matični paviljon, u prisustvu šefa smjene paviljona [REDACTED], nastavio sa iznošenjem prijetnji upućenih zavodskom službeniku [REDACTED], govoreći: „Ne zna on s kim ima posla, ja ću njemu doći glave, osvetit ću mu se makar to bilo njegovoj porodici. Izaći ću ja iz zatvora i osvetiti se. Ovo mu je drugi put da on mene zaje.... On mene vrijeđa na nacionalnoj osnovi. Nema on pojma s kim ima posla“, koje prijetnje su kod [REDACTED] izazvale strah za vlastiti život i njegovu porodicu.

2. Dana 20.06.2022.godine, oko 10,00 sati, u Zavodu za izvršenje krivičnih/kaznenih sankcija, pritvora i drugih mjera u BiH, kao osuđeno lice napisao izjavu u kojoj je ponovo uputio prijetnju zavodskom službeniku [REDACTED], a u kojoj je napisao: „Kojem ću otvoreno izjavljujem doći glave“, te nakon što je doveden do šefice paviljona [REDACTED], radi obavljanja razgovora sa istim na okolnosti počinjenih disciplinskih prekršaja, pred istom izjavio da ostaje pri navodima iz pisane izjave uključujući i prijetnju.

Dakle, ozbiljno prijetio da će napasti na službeno lice u institucijama BiH,

Čime je počinio produženo krivično djelo Napad na službenu osobu u vršenju poslova sigurnosti, otkrivanju ili lišenju slobode počinioca krivičnih djela iz člana 241b stav 1. Krivičnog zakona BiH, u vezi sa članom 54. stav 2. istog Zakona.

T U Ž I L A C
TUŽILAŠTVA/TUŽITELJSTVA BIH

1.